

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 02-
Sarajevo, 04.12.2020. godine

Na osnovu člana 136. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20) i člana 108. Statuta Univerziteta u Sarajevu (broj: 01-1093-3-1/18 od 28.11.2018. godine), a u cilju realizacije Odluke o načinu organizacije parcijalnih ispita iz nastavnih predmeta zimskog semestra u studijskoj 2020/2021. godini (broj: 02-6076/20 od 20.11.2020. godine), dekan Elektrotehničkog fakulteta u Sarajevu, donosi

Opće upute i pravila za realizaciju online parcijalnih ispita
iz nastavnih predmeta zimskog semestra u studijskoj 2020/2021. godini

1. Studenti su dužni pristupiti izradi parcijalnih ispita i pisati parcijalne online ispite iz nastavnih predmeta zimskog semestra studijske 2020/2021. godine u potpunosti samostalno. Nije dopuštena bilo kakva komunikacija s bilo kojim drugim osobama na bilo koji način za vrijeme trajanja online ispita. U slučaju utvrđivanja bilo kakvog ponašanja suprotnog ovim pravilima, kao i bilo kojeg drugog nedopuštenog ili neetičnog ponašanja, protiv studenta će biti pokrenut disciplinski postupak saglasno normativnim aktima Univerziteta u Sarajevu i Elektrotehničkog fakulteta u Sarajevu.
2. U slučaju tehničkih poteškoća koje se objektivno mogu pojaviti u toku realiziranja online ispita unutar odgovarajuće e-platfome, student je dužan, nakon okončanja ispita (u periodu ne dužem od 120 minuta), uputiti poruku elektronske pošte predmetnom nastavniku, prodekanu za nastavu Elektrotehničkog fakulteta u Sarajevu i administratoru sistema, sa tačnim podacima o konkretnim tehničkim poteškoćama i problemima koji su nastupili (nestanak električne energije, prekid konekcije, kvar računara ili kamere i slično). Ako se utvrdi da se radilo o opravdanim razlozima, za takve studente će se organizirati polaganje parcijalnog ispita uživo u prostorijama Elektrotehničkog fakulteta u Sarajevu, na način propisan Zakonom o visokom obrazovanju i u skladu sa sadržajem nastavnog programa iz odgovarajućeg nastavnog predmeta, uz obavezno provođenje svih epidemiološko-higijenskih mjera, a pristup polaganju ispita će se organizirati bez odlaganja, u što kraćem vremenskom roku od završetka online parcijalnog ispita iz datog nastavnog predmeta.
3. U slučaju kratkotrajnog prekida konekcije na računaru, studenti mogu koristiti 3G mrežu putem mobilnog telefona i na taj način osigurati vidljivost radnog prostora, a samim tim i nastavak izrade online parcijalnog ispita. Prelazak na prikaz prostora putem mobilnog telefona neophodno je ostvariti u što kraćem vremenskom intervalu (ne dužem od 120 sekundi).
4. Ukoliko se u toku realiziranja online ispita pojavi sumnja da student nije samostalno uradio ispit, odnosno da isti nije rezultat samostalnog rada, predmetni nastavnik ima pravo izvršiti usmenu provjeru znanja studenta potrebnu za rješavanje zadataka i odgovora na teorijska pitanja, na način kako je to predviđeno Odlukom o načinu organizacije parcijalnih ispita iz nastavnih predmeta zimskog semestra u studijskoj 2020/2021. godini (broj: 02-6076/20 od 20.11.2020. godine).

5. Predmetni nastavnik može tražiti od studenata da osiguraju da radni prostor na kojem studenti pišu online parcijalni ispit bude vidljiv tokom perioda trajanja cjelokupnog online ispita, odnosno zatražiti da se osim samog studenta, osigura prikaz cjelokupne radne površine (radnog stola i ekrana računara studenata).
6. Predmetni nastavnici su dužni osigurati da ispitni zadaci budu jednake težine kao da se radi o realiziranju parcijalnih ispita u redovnom ispitnom roku u učionici.

DEKAN

Prof. dr. Jasmin Velagić

Dostaviti:

1. Dekan
2. Prodekan za nastavu
3. Akademsko osoblje
4. Internet stranica
5. a/a